

第七七六册

經濟彙編

祥刑典

盜賊部

牢獄部

囚繫部

俘繫部

訟計部

(卷)

二四—二六

二五—二七

二八

二九

三〇—三二

古今圖書集成

中華書局影印

圖書集成
卷之七十四

圖書集成

圖書集成
卷之七十四

古今圖書集成

中國書局影印

欽定古今圖書集成經濟彙編祥刑典

第一百二十四卷目錄

盜賊部紀事六

祥刑典第一百二十四卷

盜賊部紀事六

金史牛德昌傳德昌遷萬泉令屬蒲陝薦饑羣盜充斥州縣城門盡閉德昌到官即日開城門縱百姓出入勝曰民苦饑寒剽掠鄉聚以偷旦夕之命甚可憐也能自新者一不問賊皆感激解散縣境以安

海陵本紀正隆五年六月徐文等破賊張旺徐元東海平

正隆六年八月壬寅單州賊杜奎據城叛遣都點檢耶律湛右驍騎副都指揮使大磐討之九月庚寅大名府賊王九據城叛衆至數萬所至盜賊蜂起大者連城邑小者保山澤或以十數騎張旗幟而行官軍莫敢近上又惡聞盜賊事言者輒罪之

世宗本紀大定四年正月乙巳尚書省奏徐州民曹珪討賊江志而子弼亦在賊中并殺之法當補二官敘雜班上以所奏未當進一官正班用之

移刺子敬傳子敬改與中尹其女自懿州來與中省謁遇盜途中剽掠其行李且盡既而還之謝曰我輩

初不知爲府尹家也尹有德於民尚忍侵犯耶

石琚傳琚拜參知政事時民間往往造作妖言相爲黨與謀不軌事覺伏誅上問宰臣曰南方尚多反側

何也琚對曰南方無賴之徒假託釋道以妖幻惑人愚民無知遂至犯法上曰如僧智究是也此輩不足

卹但軍士討捕利取民財害及良民不若杜之以漸也智究大名府僧同寺僧智義與智究言蓮華經中

載五濁惡世佛出魏地心經有夢想究竟涅槃之語汝法名智究正應經文先師藏瓶和尚知汝有是福

分亦作頌子付汝智究信其言遂謀作亂歷大名東平州郡假託抄化誘惑愚民潛結奸黨議以十一年

十二月十七日先取兗州會徒嶧山以應天時三字爲號分取東平諸州府及期嚮夜使逆黨胡智愛等

劫旁近軍寨掠取甲仗軍士擊敗之會傳散劉宣亦於陽穀東平上變皆伏誅連坐者四百五十餘人

李復亨傳復亨字仲修榮州河津人年十八登進士第復中書判優等調臨晉主簿護送官馬入府宿逆

旅有盜殺馬復亨曰不利而殺之必有仇者盡索逆旅商人過客同邑人棗中盛佩刀謂之曰刀賊馬血

火燬之則刃青其人款伏果有仇以提刑薦遷南和令盜割民家牛耳復亨盡召里中人至使牛牽牛

遍過之至一人前牛忽驚躍詰之乃引服

完顏伯嘉傳伯嘉累官荊州刺史職屬縣盜伯嘉曰飢寒爲盜得錢二千經月不使一錢云何必此官兵

捕他盜不獲誣以準罪耳詰之果然

僕散安貞傳安貞除山東路統軍安撫等使初益都縣人楊安國自少無賴以鬻鞍材爲業市人呼爲楊

鞍兒遂自名楊安兒泰和伐宋山東無賴往往相聚

剽掠詔州郡招捕之安兒降謀諸軍累官刺史防禦使大安三年招鐵瓦敢戰軍得千餘人以唐括合打

爲都統安兒爲副統戍邊至鷄鳴山不進衛紹王驛召問狀安兒乃曰平章參政軍數十萬在前無可慮

者屯駐鷄鳴山所以備間道透漏者耳朝廷信其言安兒乃亡歸山東與張汝楫聚黨攻劫州縣殺掠官

吏山東大擾安貞至益都敗安兒於城東安兒奔萊陽萊州徐汝賢以城降安兒賊勢復振登州刺史耿

格開門納偽鄒都統以州印付之郊迎安兒發帑藏以勞賊安兒遂僭號置官屬改元天順凡符印詔表

儀式皆格草定遂陷寧海攻濰州僞元帥郭方二據密州略沂海李全略臨朐扼穆陵關欲取益都安貞

以沂州防禦使僕散留家爲左翼安化軍節度使完顏訖論爲右翼七月庚辰安貞軍昌邑東徐汝賢等

以三州之衆十萬來拒戰自午抵暮轉戰三十里殺賊數萬獲器械不可勝計壬午賊棘七率衆四萬陣

於辛河安貞令留家由上流膠西濟繼以大兵殺獲甚衆甲申安貞軍至萊州僞寧海州刺史史潑立以

二十萬陣於城東留家先以輕兵薄賊諸將繼之賊大敗殺獲且半以重賞招之不應安貞遣萊州驛卒

曹全張德田貴朱福詐降於徐汝賢以爲內應全與賊西南隅戍卒姚雲相結約納官軍丁亥夜全縋城

出潛告留家留家募勇敢士三千人從全入城姚雲納之大軍畢登遂復萊州斬徐汝賢及諸賊將以徇

安兒脫身走訛論以兵追之耿格史潑立皆降留家略定膠西諸縣宜差伯德玩襲殺郭方三復密州徐

賊在諸州者皆潰去安兒嘗遺樂居實黃縣甘泉鎮監酒石抹充浮海赴遼東構雷哥已具舟皆捕斬之十一月戊辰曲救山東除楊安兒耿格及諸故官家作過驛奴不赦外劉二祖張汝梅李思溫及應脅誘從賊并在本路自爲寇盜罪無輕重並與赦免獲楊安兒者官職俱授三品賞錢十萬貫十二月辛亥耿格伏誅妻子皆遠徙諸軍方攻大沐瑯敘至宣撫副使知東平府事烏林答與即引軍還賊聚乘之復出爲患詔以陝西統軍使完顏弼知東平府事權宣撫副使其後楊安兒與汲政等乘舟入海欲走咼嶠山舟人曲成等擊之墜水死三年二月安貞遣提控紇石烈牙吾塔破巨蒙等四壩及破馬耳山殺劉二祖賊四千餘人降餘黨八千擒僞宣差程寬招軍大使程福招降脅從百姓三萬餘人安貞遣兵會宿州提控夾谷石里哥同攻大沐瑯賊千餘逆戰石里哥以騎兵擊之盡殲提控沒烈奪其北門以入別軍取賊水寨諸軍繼進殺賊五千餘人劉二祖被創獲之及僞參謀官崔天祐楊安兒僞太師李思溫餘衆保大小峻角子山前後追擊殺獲以萬計斬劉二祖詔還賞沒烈等有差詔尚書省曰山東東西路賊黨猶嘯聚作過者詔書到日並與免罪各令復業在處官司盡心招撫優加存恤無令失所十月安貞遷樞密副使行院於徐州四年二月楊安兒餘黨復擾山東詔安貞與蒙古綱完顏弼以近詔招之五月安貞遣兵討郝定連戰皆克殺九萬人降者三萬餘郝定僅以身免復僞金銀牌器械甚衆來歸且萬人皆安慰復業自楊安兒劉二祖敗後河北殘破干戈相尋其黨

往往復相團結所在寇掠皆衣紅襖以相識別號紅襖賊官軍雖討之不能除也大槩皆李全國用安時青之徒焉

王維翰傳維翰字之翰貞祐初罷爲定海軍節度使是時道路不通維翰舟行遇盜呼謂之曰爾輩本良民因亂至此財物不惜勿恐吾家盜感其言而去宣宗本紀貞祐三年八月乙酉紅襖賊掠城武宣撫副使顏盡天澤討走之斬首數百級九月乙亥紅襖賊周元兒陷深祁州東鹿安平無極等縣真定帥府以計破之斬元兒及殺其黨五百餘人

貞祐四年正月丙寅紅襖賊犯泰安德博等州山東西路行元帥府敗之四月己丑陝西行省來報秦州官軍破妖賊趙用劉高二之捷辛丑侯擊言紅襖賊掠臨沂費縣之境官軍敗之獲其黨訊之知其渠賊郝定僭號署官已陷勝充單諸州萊蕪新泰等十餘縣時道路不通宰臣請諭擊爲備仍詔樞密院招捕蔡息行元帥府兵拔木陡關斬首千級七月甲寅山東行省檄賊郝定等至京師伏誅十一月戊戌敕諸州縣簽籍軍民以備土寇

興定元年四月庚戌南陽五采山盜發衆至千餘人節度副使移刺羊哥出討遇之方城招之不從乃進擊之殺其衆殆盡戊午平定州賊閻德用之黨閻顯殺德用以其衆降八月戊申陝西行省報木波賊犯洮州敗績遁去

二年四月戊午紅襖賊犯徐邳行樞密院兵大破之丁卯東平行省敗黑旗賊拔膠西縣渠賊李全來援并破之戊辰河北行省敗紅襖賊進至密州降僞將

校數十人士卒七百人悉復其業六月甲辰石州賊馮天羽衆數千據臨泉縣爲亂帥府命將討捕之爲賊所敗旁郡縣將謀應之州刺史紇石烈公順赴以兵天羽等數十人迎降公順殺之餘賊走保積翠山遣將王九思攻之不下詔國史院編修官馬季良持誥敕金幣往招之比至九思先破柵殺賊二千人餘復走險已而其黨安國用等詣季良降者五千餘人就署國用同知孟州防禦使事以次遷擢有差分其衆於絳霍間壬子紅襖賊犯沂州官軍敗之追至白里港都提控齊信沒於陣有司議贈卹八月辛酉棣州提控紇石烈醜漢討賊張聚大破其衆復潰棣州十二月甲寅紅襖賊攻彭城之胡村寨徐州兵討敗之

三年十一月甲寅徐州總領納合六哥大破紅襖賊於狄山

四年三月壬子紅襖賊于忙兒襲據海州經略使完顏陳兒以兵擊敗忙兒復取之四月癸亥安武軍節度使柴茂破紅襖賊於棗強祁州經略使段增順破叛賊甄全於唐縣庚辰東平元帥府總領提控蒲察山兒破紅襖賊於聊城五月癸巳紅襖賊寇樂陵監山橫海節度使王福連擊敗之七月辛卯宋人及紅襖賊犯河朔諸郡皆降獨滄州經略使王福固守會益都賊張林來攻福乃叛降林帥府請討之癸丑林州行元帥府遣總領嚴祿等討紅襖賊於彰德府生擒僞安撫使王九九月甲辰滕州招捕提控夏義勇討紅襖賊敗之十月己卯泗州元帥府言紅襖賊一月四入寇掠人畜而去辛巳授紅襖賊時青滕陽公

本處兵馬總領元帥兼宣撫

五年八月癸亥林懷帥府邀擊紅襖賊于伏恩村敗之九月甲申以京東歲饑多盜遣御史大夫紇石烈胡失門爲宣慰使往撫安之更定監察御史違犯的法法丁亥詔州府及軍官捕盜慢職四品以下宣慰使決之三品以上奏裁十二月乙酉提控木甲咬住破沈丘賊于陳瓦丙戌頒詔撫諭河南土寇己丑孫瑪及捕盜官吾古出招降泰和縣賊二千人詔斬其首惡餘皆釋之丙申紅襖賊夜入蒙城縣縣官失其符印軍民死者甚衆賊大掠而去己亥發兵捕京東盜王寅陳毫等州鹿邑城父諸縣盜蜂起趨樞府遣官討之捕盜軍所過殘民遣御史一人按視軍所獲牛有司以官錢收贖

元光元年正月辛亥元帥惟弼破紅襖賊於張壽店六月丁酉紅襖賊掠柳子鎮驅百姓及驛馬而去提控張瑪追擊奪所掠還僞監軍王二據黎陽縣提控王泉討之復其城七月己未歸德行樞密院王庭玉報曹州破紅襖賊之捷庚申河北羣盜犯封丘開封界令樞密院與捕戊辰紅襖賊襲徐州之十八里砦又襲古城桃園官軍破之

二年十一月己亥紅襖賊僞監軍徐福等來降丙午邳州紅襖賊三千來降初擬置諸陳許之間上以爲若輩雖降家屬尚在河朔餘黨必殺之所得者寡而被害者衆亦復安忍不若命使撫諭加以官賞而遣之還果忠於我雖處河朔豈負我邪且餘衆感恩將有效順者矣

元史秃忽魯傳秃忽魯授資德大夫湖廣右丞時湖

南北盜賊乘舟縱橫劫掠哈刺孫患之秃忽魯曰樹茂鳥集樹伐則散數一人足矣盜首喬大使者居九江郡守曳刺馬丹取賂蔽之遣使擒以來獄成殺而令諸市羣盜頓息

高鳴傳鳴字雄飛至元五年爲侍御史七年川陝盜起省臣患之請專戮其尤者以止盜朝議將從之鳴諫曰制令天下上死囚必待論報所以重用刑惜民生也今從其請是開天下擅殺之路害仁政甚大世祖曰善令速止之

許楫傳楫爲徽州總管考滿去徽之績溪歙縣民柯三八汪千十等因歲饑阻險爲寇行省右丞教化以兵捕之相拒七月乃使人諭之三八等曰但得許總管來我等皆降矣行省爲駭召楫至命往招之楫單騎趨賊壘衆見楫來皆拜曰我公既來請署榜以付我楫曰教化請退軍一舍聽其來降不聽會以參政高興代教化楫復以前言告之興從其計賊果降忽辛傳忽辛至元初以世臣子備宿衛世祖善其應對至元十四年授兵部郎中明年出爲河南等路宣慰司同知河南多強盜往往羣聚山林劫殺行路官軍收捕失利忽辛以招安自任遣土豪持檄諭之未幾賊二人來自歸忽辛賜之冠巾且諭之曰汝昔爲賊今既自歸即良民矣俾侍左右出入房闥無間悉放還令遍諭其黨後數日招集其爲首者十輩來身長各七尺餘羅拜庭下顧視異常衆悉驚怖失措忽辛命吏籍其姓名爲民俾隨侍左右夜則令臥戶外時呼而飲食各得其歡心羣盜聞之相繼款附蕭剌傳剌字惟斗性至孝自爲兒時翹楚不凡博極

羣書及其門受業者甚衆鄉人有自城中募歸者遇寇欲加害詭言我蕭先生也寇驚愕釋去

世祖本紀至元十六年五月潭州行省上言瓊州宣慰馬旺已招降海外四州尋有土寇黃威遠等四人爲亂今已擒獲詔置之極刑

十七年正月辛酉以海賊賀文達所掠良婦百三十餘人還其家廣西連州海賊霍公明鄭仲龍等伏誅五月甲寅汀漳叛賊廖得勝等伏誅九月乙丑守庫軍盜庫鈔八刺合赤分其賊縱盜遁去詔誅之

元史紀事本末至元十七年十二月漳州民陳桂龍兵起福建都元帥完者都等擊走之桂龍及其兄子陳甲眼有衆數萬屯高安岩據之朝廷命完者都及副帥高興討之時建寧賊黃華勢九猖獗完者都先引兵壓其境華驚懼乞降完者都奏以華爲副元帥凡軍行悉以咨之桂龍等乘高爲險人莫敢進與命人挾束薪進至半山棄薪走如是六日誘其矢石皆盡乃燕薪焚山斬首二萬級桂龍遁走入倉洞元史世祖本紀至元十八年八月庚寅以阿剌罕既卒命阿塔海等分戍三海口令阿塔海就招海中餘寇閏月癸巳阿塔海乞以戍三海口軍擊福建賊陳甲眼詔以重勞不從敕守緝山道十一月甲子敕誅陳甲眼首惡者餘並收其兵仗繫送京師十二月丙辰獲福州叛賊林天成戮於市至元十九年夏四月戊戌征蠻元帥完者都等平陳甲眼巢穴班師賞其軍鈔仍令還家休息陳甲眼父文桂及兄弟桂龍滿安納款令護送赴京師其黨吳滿張飛迎敵就誅之

元史紀事本末至元十九年夏四月陳桂龍降初桂龍既遁陳弔眼猶擁衆連五十餘砦未下高興等擊斬之桂龍等遂帥其黨來降詔流桂龍於邊地

元史世祖本紀至元二十年九月戊午合刺帶等招降象山縣海賊九宗祖等九千五百九十二人海道以寧辛未廣東盜起遣兵萬人討之戊寅史弼陳弼盜之策爲首及同謀者死餘屯田淮上帝然其言詔以其事付弼賊黨耕種內地其妻奴送京師以給廩坊人等

元史紀事本末至元二十年三月廣州新會林桂方張良鈴等擁衆萬餘號羅平國稱延康年號擒之冬十月建寧路總管黃華復反聚衆十萬號頭陀軍稱宋祥興年號破崇安浦城諸縣復改建寧詔史弼等引兵急擊之華敗走自焚餘黨悉潰

元史世祖本紀至元二十一年春正月丙子建寧叛賊黃華自殺二月戊申漳州盜起命江浙行省調兵進討秦州總管劉發有罪嘗欲歸黃華事覺伏誅十一月己丑江西行省參知政事也的迷失禽獲海盜黎德及招降餘黨百三十三人即其地誅黎德以徇以黎德弟黎浩及僞招討吳興等檻送京師

元史紀事本末至元二十一年二月漳州盜起邕州賓州梧州韶州衡州民黃大成等相延爲亂湖南宣慰使撒里蠻將兵討之詔遷宋宗室及大臣之仕者於內地時荆湖閩廣之間兵興無寧歲有言宋宗室居江南欲反者遣使捕之宿衛士阿魯渾薩里曰江南初下民疑未附宋宗室反不聞郡縣言而信一人浮言捕擊之恐人人自危矣帝悟召使者還故有

是詔
元史世祖本紀至元二十二年二月江西盜黎德等餘黨悉平廣東宣慰使月的迷失討潮惠二州盜郭逢貴等四十五寨皆平降民萬餘戶軍三千六百一十人請將所獲渠帥入覲面陳事宜從之

元史紀事本末至元二十二年秋七月至京師言山寨降者百五十餘所帝問戰而後降耶招之即降耶對曰其首拒敵者臣已磔之矣是皆招降者也因言前大兵後未嘗撫治其民州縣官復無至者故盜賊各據土地互相攻殺人民漸耗今宜擇良吏往治從之

至元二十三年春正月西川趙和尚自稱宋福王子廣王以誑民謀作亂伏誅
元史世祖本紀至元二十三年八月辛酉婺州永康縣民陳興四等謀反伏誅

至元二十四年十一月己酉詔議弼盜桑哥玉速帖木兒言江南歸附十年盜賊迄今未靖者宜降旨立限招捕而以安集貴州縣之吏其不能者黜之葉李言臣在漳州十年詳知其事大抵軍官嗜利與賊通者尤難弭息宜令各處鎮守軍官例以三年轉徙庶革斯弊帝皆從其議詔行之壬子以江西行省平章忽都帖木兒督捕廣東等處盜賊甲寅鎮南王次萬劫諸軍畢會獲福建首賊張治困其黨皆平

至元二十五年正月壬寅賀州賊七百餘人焚掠封州諸郡循州賊萬餘人掠梅州癸卯海都犯邊救駙馬昌吉諸王也只烈察乞兒合丹兩千戶皆發兵從諸王木伯北征三月甲寅循州賊萬餘人寇漳浦泉

州賊二千人寇長泰汀贛會賊千餘人寇龍溪皆討平之四月乙丑廣東賊董賢舉等七人皆稱大老聚衆反剽掠吉贛瑞撫龍興南安韶雄汀諸郡連歲擊之不能平江西行樞密院副使月的迷失請益兵江西行省平章忽都鐵木兒亦以地廣兵寡爲言詔江淮省分萬戶一軍詣江西俟賊平還翼六月癸未處州賊柳世英寇青田麗水等縣浙東道宣慰副使史耀討平之十二月乙亥湖頭賊張治困掠泉州

劉國傑傳國傑字國寶至元二十五年湖南盜詹一仔誘衡永寶慶武岡人嘯聚四望山官軍久不能討國傑破之斬首盜餘衆悉降將校請曰此輩久亂急則降降而有變復反矣不如盡阬之國傑曰多殺不可况殺降耶吾有以處之矣乃相要地爲三屯在衡曰清化在未曰烏符在武岡曰白倉遷其衆守之每屯五百人以備賊且墾廢田榛棘使賊不得爲巢穴降者有故田宅盡還之無者使雜耕屯中後皆爲良民

元史紀事本末至元二十五年夏四月廣東民董賢舉浙江民楊鎮龍柳世英循州民鍾明亮各擁衆萬餘相繼起兵皆稱大老明亮勢尤猖獗詔遣江西行省丞相忙兀帶行樞密院副使月的迷失發四省兵討之明亮屢降復叛既而福建按察使王憚上疏言福建郡縣五十餘處連山距海實邊微要區由平宋以來官吏殘虐故愚民往往嘯聚朝廷遣兵討之復致蹂躪甚非一視同仁之意況福建歸附之民戶幾百萬黃華之變十去四五今明亮之勢又烈於華其可以尋常草竊視之乎宜選精兵明號令以計取之

元史紀事本末至元二十五年夏四月廣東民董賢舉浙江民楊鎮龍柳世英循州民鍾明亮各擁衆萬餘相繼起兵皆稱大老明亮勢尤猖獗詔遣江西行省丞相忙兀帶行樞密院副使月的迷失發四省兵討之明亮屢降復叛既而福建按察使王憚上疏言福建郡縣五十餘處連山距海實邊微要區由平宋以來官吏殘虐故愚民往往嘯聚朝廷遣兵討之復致蹂躪甚非一視同仁之意況福建歸附之民戶幾百萬黃華之變十去四五今明亮之勢又烈於華其可以尋常草竊視之乎宜選精兵明號令以計取之

元史紀事本末至元二十五年夏四月廣東民董賢舉浙江民楊鎮龍柳世英循州民鍾明亮各擁衆萬餘相繼起兵皆稱大老明亮勢尤猖獗詔遣江西行省丞相忙兀帶行樞密院副使月的迷失發四省兵討之明亮屢降復叛既而福建按察使王憚上疏言福建郡縣五十餘處連山距海實邊微要區由平宋以來官吏殘虐故愚民往往嘯聚朝廷遣兵討之復致蹂躪甚非一視同仁之意況福建歸附之民戶幾百萬黃華之變十去四五今明亮之勢又烈於華其可以尋常草竊視之乎宜選精兵明號令以計取之

元史紀事本末至元二十五年夏四月廣東民董賢舉浙江民楊鎮龍柳世英循州民鍾明亮各擁衆萬餘相繼起兵皆稱大老明亮勢尤猖獗詔遣江西行省丞相忙兀帶行樞密院副使月的迷失發四省兵討之明亮屢降復叛既而福建按察使王憚上疏言福建郡縣五十餘處連山距海實邊微要區由平宋以來官吏殘虐故愚民往往嘯聚朝廷遣兵討之復致蹂躪甚非一視同仁之意況福建歸附之民戶幾百萬黃華之變十去四五今明亮之勢又烈於華其可以尋常草竊視之乎宜選精兵明號令以計取之

元史紀事本末至元二十五年夏四月廣東民董賢舉浙江民楊鎮龍柳世英循州民鍾明亮各擁衆萬餘相繼起兵皆稱大老明亮勢尤猖獗詔遣江西行省丞相忙兀帶行樞密院副使月的迷失發四省兵討之明亮屢降復叛既而福建按察使王憚上疏言福建郡縣五十餘處連山距海實邊微要區由平宋以來官吏殘虐故愚民往往嘯聚朝廷遣兵討之復致蹂躪甚非一視同仁之意況福建歸附之民戶幾百萬黃華之變十去四五今明亮之勢又烈於華其可以尋常草竊視之乎宜選精兵明號令以計取之

元史紀事本末至元二十五年夏四月廣東民董賢舉浙江民楊鎮龍柳世英循州民鍾明亮各擁衆萬餘相繼起兵皆稱大老明亮勢尤猖獗詔遣江西行省丞相忙兀帶行樞密院副使月的迷失發四省兵討之明亮屢降復叛既而福建按察使王憚上疏言福建郡縣五十餘處連山距海實邊微要區由平宋以來官吏殘虐故愚民往往嘯聚朝廷遣兵討之復致蹂躪甚非一視同仁之意況福建歸附之民戶幾百萬黃華之變十去四五今明亮之勢又烈於華其可以尋常草竊視之乎宜選精兵明號令以計取之

不然禍未已也御史大夫呂魯亦言江南盜起凡四百餘處宜選將討之帝日月之迷失屢以捷聞忙兀帶已往卿母以爲慮

元史世祖本紀至元二十六年正月癸卯會民丘大老集衆千人寇長泰縣福州達魯花赤脫歡同漳州路總管高傑討平之三月庚辰台州賊楊鎮龍衆衆軍海僭稱大興國寇東陽義島湖東大震諸王覓吉帶時謫發州帥兵討之五月丙申賊鍾明亮率衆萬八千五百七十三人來降江淮福建江西三省所抽軍各還本翼閏十月丙戌廣東賊鍾明亮復反以衆萬人寇梅州江羅等以八千人寇漳州又詔諸諸賊二十餘處皆舉兵應之聲勢張甚詔月的迷失復與福建江西合兵討之且諭旨月的迷失鍾明亮既降朕令汝遣之赴闕而汝玩常不發致有是變自今降賊其即遣之丙申發州賊葉萬五以衆萬人寇武義縣殺千戶一人江淮省平章不鄰吉帶將兵討之甲辰湖廣省臣言近招降贛州賊胡海等令將其衆屯田自給今過耕時不恤之恐生變命贛州路發米千八百九十石賑之十一月壬子漳州賊陳機察等八千人寇龍巖執千戶張武義與楓林賊合福建行省兵大破之陳機察丘大老張順等以其黨降行省請斬之以警衆事下樞密院議范文虎曰賊固當斬然既降乃殺之何以示信宜並遣赴闕從之癸丑建寧賊黃華弟福結陸廣馬勝復謀亂事覺皆論誅元史紀事本末至元二十六年六月月的迷失請以降賊明亮爲循州知州宋士賢爲梅州判官丘應祥等十八人爲縣尹巡尉帝不允令明亮應祥並赴都

閏十月月的迷失以丘應祥董賢舉歸於京師

元史世祖本紀至元二十七年二月己丑江西羣盜鍾明亮等復降詔徙爲首者至京師而給其餘黨糧三月癸亥建昌賊丘元等稱大老集衆千餘人掠南豐諸郡建昌副萬戶擒斬之辛未太平縣賊葉大五集衆百餘人寇寧國皆擒斬之五月戊申江西行省管如德江西行院月的迷失合兵討反寇鍾明亮明亮降詔縛致闕下如德等置不遣明亮復率衆寇贛州樞密院以如德等違詔縱賊請誅之詔罷江西行樞密院癸亥徽州績溪賊胡發饒必成伏誅丙寅江西行省言吉贛湖南廣東福建以禁弓矢賊益發乞依內郡例許討兵持弓矢從之庚午發州未康東陽處州縉雲賊呂重二楊元六等反浙東宣慰使史弼擒斬之泉州南安賊陳七師反討平之六月庚辰杭州賊唐珍等伏誅七月戊午建平賊王靜照伏誅乙丑蕪湖賊徐汝安孫惟俊等伏誅九月己酉福建省以管內盜賊蜂起請益戍兵命江淮省調下萬戶一軍赴之發蒙古都萬戶府探馬赤軍五百人戍鄂州十二月丙戌興化路仙游賊朱三十五集衆寇青州萬戶李綱討平之己亥處州青田賊劉甲乙等集衆萬餘人寇溫州平陽

元史紀事本末至元二十七年春正月江西賊華大老黃大老等掠樂昌諸郡行樞密院討平之三月建昌賊丘元等稱大老集衆十餘人掠南豐諸郡太平縣賊葉大五集衆百餘人寇寧國皆擒斬之十一月江淮行省平章不憐吉帶言福建盜賊已平惟浙東一道地極邊惡賊所巢穴初伯顏等於各路置軍鎮

戍蓋視地之輕重而爲多寡後爲忙古爵更易其法今宜復還三萬戶分戍之揚州建康鎮江三城跨據大江人民繁會宜置萬戶府七杭州行省諸司府庫所在宜置萬戶府四瀕海沿江要害二十二所宜增置戰艦分兵閱習水戰之法從之元史曹伯啓傳伯啓字士開至元中歷仕爲蘭溪主簿尉獲盜三十械徇諸市伯啓以無左驗未之信俄得眞盜尉以是黜

成宗本紀元貞二年正月己卯上思州叛賊黃勝許攻剽水口思光寨湖廣行省調兵擊破之獲其黨黃法安等賊遁入上牙六羅十月壬子贛州賊劉六十攻掠吉州江西行省左丞董士選討平之

元史紀事本末成宗元貞二年冬十月贛州民劉六十聚衆至萬餘建立名號朝廷遣將討之多觀望不進賊勢益盛江西行省左丞董士選請自往進至興國距其營百里命將校分兵守地悉置激亂之人於法復誅奸民之爲囊橐者於是民爭出自効不數日六十就擒餘黨悉散事平士選遣使奏聞但請黜人吏數人而已略不及破賊事時稱其不伐元史成宗本紀大德元年夏五月庚寅上思州叛賊黃勝許遣其子志寶來降

六年十二月甲子衡州袁舜一等誘集二千餘人侵掠郴州湖南宣慰司發兵討之獲舜一及其餘黨命誅其首謀者三人餘者配洪澤均陂屯田其脅從者招諭復業七年六月癸巳叛賊雄挫來降十月乙未發雲南叛寇餘黨未革心者來京師十一月甲寅亦乞不薛賊

黨魏傑等降人賜衣一襲遣還俾招其首亂者
八年三月戊辰雲南黎州盜劫也速而帶家屬貨產
命宣政院督其郡邑捕之四月丙戌末寧路叛寇雄
挫來降

九年十一月丁未黃勝許遣其屬來獻方物請復其
子官帝不允曰勝許反側不足信如其悔罪自至則
官可得命賜衣服遣之

十年四月壬戌雲南羅雄州軍火主阿邦龍少結豆
溫匡虜普定路諸蠻為寇右丞汪惟能進討賊退據
越州諭之不服遣平章也速帶而率兵萬人往捕之
兵至曲靖與惟能合從諸王昔實亦亦理吉帶等進
壓賊境獲阿邦龍少斬之餘衆皆潰

陳祐傳祐弟天祥元貞元年改山東西道廉訪使時
盜賊羣起山東居多詔求弭盜方略天祥上奏曰古
者盜賊之起各有所因除歲凶饑饉誘之天時宜且
勿論他如軍旅不息工役荐興聚斂無厭刑法紊亂
之類此皆羣盜所起之因中間保護存養之者赦令
是也赦者小人之幸君子之不幸一歲再赦善人暗

啞前人言之備矣彼強梁之徒各執兵杖殺人取物
不顧其生有司盡力以擒之朝廷加恩以釋之且脫
繯囚暮即行劫又復督勒有司結網追捕賊皆經慣
習以為常既不感恩又不畏法兇殘悖逆性已頑定
誠非善化能移惟以嚴刑可制所擬事條皆切於時
用於是嚴督有司捕得盜賊甚衆皆杖殺之其亡入
他境者揣知所向選捕盜官及弓兵密授方略示以
賞罰使追捕之南至漢江二千餘里悉皆就擒無得
免者由是東方羣盜屏息平陰縣女子劉金蓮假妖

術以惑衆所至官為建立神堂愚民皆奔走奉事之
天祥謂同僚曰此婦以神怪惑衆聲勢如此若復有
狡獪之人輔翼之做漢張角晉孫恩之為必成大害
遂命捕繫而杖於市自此神怪屏息

阿沙不花傳帝嘗命出太府金分賜諸王貴戚及近
侍阿沙不花方出朝見一人倉皇若有所懼狀曰此
必盜金者召詰問之果得黃金五十兩曰金百兩以
聞就以金賜之命誅盜者辭曰盜誅固當金非臣所
宜得願還金以贖盜死帝悅而從之

仁宗本紀皇慶元年十一月甲辰捕滄州羣盜阿失
答兒等擒之支解以徇

延祐二年七月乙卯贛州土賊蔡五九聚衆作亂救
遣兵捕之八月丙戌蔡五九陷汀州寧化縣僭稱王
號詔遣江浙行省平章張驥等率兵討之九月壬戌
蔡五九衆潰伏誅餘黨悉平

五年夏四月己亥耽羅捕獵戶成金等為寇救征東
行省督兵捕之六月乙巳西蕃土寇作亂救甘肅省
調兵捕之

六年春正月己卯廣東南恩新州搖賊龍郎庚等為
寇命江西行省發兵捕之二月丁酉雲南聞里愛俄
末昌蒲蠻阿八刺等並為寇命雲南省從宜勦捕三
月辛酉輪端地有叛者人寇遣鎮西武靖王搠思班
率兵討之十一月辛卯焚惑惑犯進賢木邦路帶邦為
寇救雲南省招捕之

英宗本紀至治二年八月己巳道州寧遠縣民符翼
軫作亂有司討擒之十月己丑南恩州賊潭庚生等
降

三年正月己亥思明州盜起湖廣行省督兵捕之丙
辰泉州民雷應總作亂命江浙行省遣兵捕之六月
寇圍寧都州民孫正臣出糧餉軍旌其門

泰定帝本紀至治三年八月癸巳即皇帝位十一月
丁巳廣州路新會縣民犯長弟作亂廣東副元帥烏
馬兒率兵捕之雲南開南州大阿哀阿三木台龍買
六千餘人寇哀白鹽井十二月庚午盜入太廟竊
仁宗及莊懿慈聖皇后金主壬申作仁宗主仍督有
司捕盜丙子命嶺北守邊諸王徹徹禿月修佛事以
却寇兵乙酉雲南車里于孟為寇詔招諭之

泰定元年二月丁丑監察御史宋本趙成慶李嘉賓
言盜竊太廟神主由太常守衛不謹請罪之不報五
月己酉賓州民方二等為寇有司捕擒之

三年三月辛未泉州民阮鳳子作亂寇陷城邑軍民
官以失討坐罪

四年夏四月辛未盜入太廟竊武宗金主及祭器大
理鹿甸酋阿你為寇

文宗本紀天曆元年十月戊午盜殺太尉不花初不
花乘國家多事率衆剽掠居庸以北皆為所擾至是
盜入其家殺之與和路當盜以死罪刑部議以為不
花不道衆所聞知幸遇盜殺而本路隱其殘剽之罪
獨以盜聞於法不當中書以聞帝嘉其議

二年八月甲寅密沂諸州飢民採草木實盜賊日
滋賑以米二萬一千石九月丙子風管臨三州所居
諸王八刺馬忽都火者等部曲乘亂為寇遣省臺宗
正府官往督有司捕治之
至順二年夏四月庚申寧國路涇縣民張道殺人為

盜道弟吉從而不加功居四七年不決吉母老無他子孫中書省臣以聞敕免死杖而黜之得養其母秋八月丁亥海南黎賊作亂詔江西湖廣兩省合兵捕之九月丙子海南賊王周糾率十九洞黎蠻二萬餘人作亂命調廣東福建兵諷湖廣行省左丞移刺四奴統領討捕之

三年正月戊子萬安軍黎賊王奴羅集衆五萬人寇陵水縣戊申雲南行省言會通州土官阿賽及河西阿勒等與羅賊兵千五百人寇會州路之下龍村七月湖廣行省言黎賊勢猖獗乞益兵三千以備調用有旨依前詔促移刺四奴尅日進兵

順帝本紀至元年十二月西番賊起遣兵擊之

三年正月廣州增城縣民朱光卿反命指揮狗札里江西行省左丞沙的討之二月棒胡反於汝寧信陽州破歸德府鹿邑焚陳州屯營否國命河南行省左丞慶童討之辛卯廣西徭賊反命湖廣行省平章那海江西行省平章禿兒迷失海牙總兵捕之四月己亥惠州歸善縣民聶秀卿譚景山等造軍器拜戴甲爲定光佛與朱光卿相結爲亂命江西行省左丞沙的捕之五月戊申詔汝寧棒胡廣東朱光卿聶秀卿等皆係漢人漢人有官於省臺院及翰林集賢者可講求誅捕之法以聞甲寅西番賊起殺鎮西王子黨兀班立行宣政院以也先帖木兒爲院使往討之王戊命四川行省參知政事舉理等捕反賊韓法師輟耕錄夏雪養云嘗見優人杜生聲明說向自江西回至韶州寓宿旅邸邸先有客曰相公者居焉刺繡衣服琢玉帽頂而僅皮履生惑具酒看延款問以姓

名履歷客具答甚悉初不知其爲盜也次日客酬繼邀至其室見柱上鎖一小猴形神精狡既而縱使周旋席間忽番語遣之俄捧一櫟至復番語嘗之即易一碗至生驚異詢其故客曰某有婢得子彌月而亡時此猴生旬有五日其母斃於獵犬終日叫號可憐因令此婢就乳之及長成遂能隨人指使兼解番語耳生別後至清州雷吳同知處忽報客有攜一猴入城者吳語生云此人乃江湖巨盜凡至人家窺見房室路徑并藏蓄所在至夜使猴入內偷竊彼則在外應接吾必奪此猴爲人除害也明日客謁吳吳款以飯需其猴初甚拒吳曰否則就就斷其首客不得已允許吳酬白金十兩臨去番語囑猴適譯史聞得來告吳曰客教猴云汝若不飲不食彼必解爾縛可亟逃來我只在十里外小寺中伺也吳未之信至晚試與之果核水食之類皆不食急使人覘之此客果未行歸報引猴搗殺之

後至元間盜入浙省丞相府是夕月色微明相於紗帷中窺見之美髯髯身長七尺餘時一侍姬亦見之大呼有賊相急止之曰此相府何賊敢來蓋其有所傷犯故也縱其自取七寶繫腰金玉器皿席捲而去翼日責令有司官兵肖形掩捕刻期獲解沿門搜索終不可得越明年纔於紹興諸暨州敗露掠問其情乃云初至杭寓相府之東相去三十餘家是夜自外大醉歸倒於門外主人扶掖登樓而臥須臾嘔吐狼籍滿地至二更開樓窺緣房簷進府內腳履尺餘木級面帶優人假髯既得物直攜至江頭置於白塔上復回寓所侵晨邏者至察其人酒尚未醒酣睡正

熟且身材侏儒略無髭髯竟不之疑數日後方攜所盜物抵浙東因此被擒盜亦有道其斯之謂歟中原紅寇未起時花山賊畢四等僅三十六人內一婦女九男捷聚集茅山一道官縱橫出沒略無忌憚始終三月餘三省撥兵不能收捕殺傷官軍無數朝廷召募鏐徒朱陳率其黨與一鼓而擒之從此天下之人視官軍爲無用不三五年自河以南盜賊充斥其數也夫

吳興錢泰窩云至正月初二買自嘉興來平江買舟至海口收市舶貨行二十餘里兩道人詣舟求度一負磬一持鬼神像既上舟去中服乃兩甲者從像中出二長刀叱曰吾逐盜至此汝真盜也舟人陽應曰我固知爲盜顧無以發今壯士誠與吾意合此未可前途乃可耳故紆行且曰二盜已落公手願治酒助公勇遂命妻取酒勸甲者遲暮醉抽其刀斫賊其一躍起復斫之二盜盡死舟還二買泣且拜曰非公吾幾不免虎口遂以白金二餅爲舟人壽吁決死生於阡危之際不負賈之託不謂之義丈夫可乎

元史順帝本紀至正元年夏四月丁丑道州土賊蔣丙等反破江華縣掠明遠縣丁亥臨賀縣民被徭寇抄掠發義倉糧賑之十一月丙子道州路賊何仁甫等反庚子徭賊寇邊詔湖廣行省平章政事聶卜班總兵討平之十二月癸亥山東燕南強盜縱橫至三百餘處遣官捕之

二年九月己巳詔遣湖廣行省平章政事聶卜班領河南江浙湖廣諸軍討道州賊平之丁丑京城強賊四起

三年八月甲午鎖兒哈等討四川上蓬瑣吃賊戊戌山東有賊焚掠兗州九月甲子湖廣行省平章政事鞏卜班擒道州賀州徭賊首唐大二蔣仁五至京誅之其黨蔣丙自號順天王攻被連桂二州

四年十二月戊寅徭賊寇靖州是歲徭賊寇潯州同知府事保童率民兵擊走之

許義夫傳義夫爲封丘縣尹值至正四年大饑盜賊羣起抄掠州縣義夫聞賊至近境乃單馬出郊十里外迎之見賊數百人義夫力言封丘縣小民貧皆已驚惶逃竄幸無入吾境也言辭懇款賊遂往封丘之民得免於難

山東通志兗州府張企誠曹州人賦性純謹事繼母至孝至正間山東兵亂居民奔竄他方企誠用繩繫箕坐母其中而與弟肩昇而進日夜跋涉中途遇盜企誠曰衣物備與請勿驚悸吾母盜感其言咸曰賢者也遂引去勿犯

元史順帝本紀至正六年三月辛未盜扼李開務之閘河劫商旅船兩淮運使宋文瓚言世皇開會通河千有餘里歲運米至京者五百萬石今騎賊不過四十人劫船三百艘而莫能捕恐運道阻塞乞選能臣率壯勇千騎捕之不聽戊申京畿盜起范陽縣請增設縣尉及巡警兵從之山東盜起詔中書參知政事鎮南班至東平鎮遇五月壬午象州盜起丁亥盜竊太廟神主六月丁巳詔以雲南賊死可伐盜據一方侵奪路甸命亦禿渾爲雲南行省平章政事討之閏十月乙亥靖州徭賊吳天保陷黔陽癸未汀州賊徒羅德用殺首賊羅天麟陳積萬以首級送官餘黨悉

平十二月壬寅山東河南盜起遣左右阿速衛指揮不兒國等討之

七年二月己卯河南山東盜蔓延濟寧滕州等處四月庚寅臨清廣平澤河等處盜起遣兵捕之通州盜起監察御史言通州密邇京城而盜賊蜂起宜增兵討之以杜其源不聽九月癸卯八憐內哈喇那海禿魯和伯賊起斷嶺北驛道甲子集慶路盜起鎮南王李羅不花討平之十月戊戌西蕃盜起凡二百餘所陷哈喇火州劫供御蒲萄酒殺使臣十一月甲辰沿江盜起剽掠無忌有司莫能禁兩淮運使宋文瓚上言江陰通泰江海之門戶而鎮江眞州次之國初設萬戶府以鎮其地今成將非人致使賊艦往來無常集慶花山劫賊才三十六人官軍萬數不能進討反爲所敗後竟假手鹽徒雖能成功豈不貽笑宜亟選智勇以任兵柄以圖後功不然東南五省租稅之地恐非國家之有不聽乙巳中書戶部言各處水旱田禾不收湖廣雲南盜賊蜂起兵費不給而各位怯薛冗食甚多乞賜分東帝幸於衆請令三年後減之十二月丙戌中書省臣建議以河南盜賊出入無常宜分撥達達軍與揚州舊軍於河南水陸關隘戍守東至徐邳北至夾馬營遇賊掩捕從之

八年三月壬寅土番盜起有司請不拘資級委官討之福建盜起地遠難於討捕詔汀漳二州立分元帥府轄之夏四月己卯海軍州沐陽縣等處盜起遣翰林學士禿堅不花討之是月湖廣章伯顏引兵捕土寇莫萬五蠻雷等已而廣西峒賊乘隙入寇伯顏退走

劉秉直傳秉直字清臣大都武清人至正八年爲衛輝路總管平徭役興教化敦四民之業崇五土之利養鰥寡恤孤獨賊劫汲縣民張聚鈔一千二百錠而殺之賊不獲秉直具詞致禱城隍祠而使人伺於死所忽有村民阿蓮者戰怖仆地具言賊之姓名及所在乃命尉襲之果得賊於汴遂正其罪

順帝本紀至正十一年五月辛亥潁州妖人劉福通爲亂以紅巾爲號陷潁州初藥城人韓山童祖父以白蓮會燒香惑衆誦徒廣平宋平縣至山童倡言天下大亂彌勒佛下生河南及江淮愚民皆翕然信之福通與杜遵道羅文素盛文郁王顯忠韓咬兒復鼓妖言謂山童實宋徽宗八世孫當爲中國主福通等殺白馬黑牛誓告天地欲同起兵爲亂事覺縣官捕之急福通遂反山童就擒其妻楊氏其子韓林兒逃之武安六月劉福通據朱阜攻破羅山眞陽確山遂犯武陽葉縣等處九月壬子命御史大夫也先帖木兒知樞密院事及衛王寬徹哥總率大軍出征河南妖寇各賜鈔一千錠從征者賜予有差是月劉福通陷汝寧府又惠州光州衆至十萬

十二年正月戊申竹山縣賊陷襄陽路總管柴肅死之是日荊門州亦陷己未刑部尚書阿魯收捕山東賊給敕牒十一道使分賞有功者是月命四川行省平章政事月魯帖木兒爲總兵官與四川行省右丞長吉討與元金州等處賊宣政院同知桑哥率領亦都護畏吾兒軍與荆湖北道宣慰使朵兒只班同守襄陽濟寧兵馬指揮使寶童統領右都衛軍從知樞密院事月闊察兒討徐州二月甲申鄒平縣馬子昭

爲亂捕斬之丙戌房州賊陷歸州戊子詔徐州內外羣聚之衆限二十日不分首從並與赦原置安東安豐分元帥府辛丑鄧州賊王權張椿陷澤州龍鎮衛指揮使俺都刺哈爾等帥師復之是月賊侵滑濬命德住爲河南右丞守東明德住時致仕於家聞命馳至東明浚城隍嚴備禦賊不敢犯三月辛酉命親王阿兒麻以兵討商州等處賊戊辰以江浙行省左丞相亦憐真班爲江西行省左丞相領兵收捕饒信賊庚午詔凡除常選官於殘破郡縣及迫近賊境之處陞四等稍近賊境陞二等閏三月壬午以大理宣慰使答失八都魯爲四川行省添設參知政事與本省平章政事咬住討山南湖廣等處賊壬辰以大都留守兀忽失爲江浙行省添設右丞計饒信賊丙申阿速愛馬里納忽台擒滑州開州賊韓兀奴罕有功授資用庫大使是月詔四川行省平章政事咬住以兵東討荆襄賊克復忠萬夔雲陽等州命江西行省左丞相亦憐真班以兵守江東西關隘命諸王亦憐真班愛因班參知政事也先帖木兒與陝西行省平章政事月魯帖木兒討南陽襄陽賊刑部尚書阿魯討海寧賊江西行省右丞火你赤與參知政事朵魯討江西賊以浙東宣慰使恩寧普代江浙行省左丞左答納失里守蕪湖命江西行省右丞兀忽失江浙行省左丞老老與星吉不顏帖木兒蠻子海牙同討饒信等處賊四月癸卯江西臨川賊鄧忠陷建昌路丙辰江西宜黃賊塗佑與邵武建寧賊應必達等攻陷邵武路總管吳按攤不花以兵討之千戶魏淳以計擒塗佑應必達復其城是月永懷縣賊陷桂陽咬住

復歸州進攻峽州與峽州總管趙余禰大破賊兵誅賊將李太素等遂平之詔天下完城郭築隄防命亦都護月魯帖木兒領畏吾兒軍馬同豫王阿剌忒納失里知樞密院事老章討襄陽南陽鄧州賊五月客失八都魯至荆門增募兵趨襄陽與賊戰大敗克之七月庚辰饒徽賊犯昱嶺關陷杭州路辛巳命通政院使答兒麻失里與樞密副使禿堅不花討徐州賊給勅牒三十道以賞功己丑湘鄉賊陷寶慶路庚寅以殺獲西番首賊功賜岐王阿剌乞巴鈔一千錠八月安陸賊將俞君正復陷荆門州知州聶炳死之賊將完仲達復陷岳州九月乙亥俞君正復陷中興咬住領兵與賊於樓臺取績奔松滋本路判官上都死之癸未中興義士范中偕荆門僧李智率義兵復中興路俞君正敗走己亥賊攻辰州達魯花赤和尚擊走之十一月辛未命江浙行省平章政事慶童收捕常州賊

盧琦傳琦字希韓至正十二年稍遷至永春縣尹鄰邑仙遊盜發琦適在邑境盜遙見之迎拜曰此永春大夫也爲大夫百姓者何幸之大乎吾邑長乃以暴毒驅我故至此耳琦因立馬喻以禍福衆皆投刃槊請縛其酋以自新琦許之酋至琦械送帥府自是威惠行於境外

輟耕錄至正十二年歲壬辰秋斬黃徐壽輝賊黨攻破昱嶺關徑抵餘杭縣七月初十日入杭州城僞帥項蔡楊蘇一屯明慶寺一屯北關門妙行寺稱彌勒佛出世以惑衆浙省參政樊執敬死於天水橋寶哥與妻同溺於西湖其賊不殺不淫招民投附者署姓名於簿籍府庫金帛悉輸以去至二十六日浙西廉訪使自紹興率鹽場電丁過江同羅木營官軍尅復城池賊遂潰散三平章定定逃往嘉興郎中脫脫過江南越數日攜省印來會權署省事至是亦回四平章教化自湖州統軍歸舉火焚城殘蕩殆盡附賊充僞職者范縣尹等明正典刑里豪施遵禮八爲迎敵官軍局於市家產悉沒縣官明慶妙行亦然省都事以下坐失守城池罷黜不敘省官復任如故朝廷法度既壞刑賞失宜欲天下宴安不可復得矣

仰山腔錄贊善大夫龍泉章公溢始生其音如鐘父母疑爲不祥幾不舉及成童疑焉莊重不習鄉井輕儇態至正壬辰斬黃妖寇自閩犯龍泉公與從子存仁避亂山中存仁爲賊所得公心計曰吾兄止有一子不可使無後挺身出語賊曰兒幼無所知我願代之賊素重公名方出重購以求之及得公大喜賊帥欲問計公正色拒之曰若等皆有父母妻子顧爲此滅族事耶賊怒繫之柱以刀磨其脇曰不降者死公曰貪生惡死固人常情然吾終不爲不義屈賊益怒曰汝誠不畏死曰即死何畏乎賊壯之不敢加害公夜給守者乘間脫歸避地閩中太祖以束帛召公遂起爲佐命功臣

元史順帝本紀至正十三年八月辛亥親王只兒哈郎討捕金山賊斃於軍中命其子禿魯帖木兒入備宿衛十月丁未廣西元帥甄崇福復道州誅賊將周伯顏十二月癸丑以西安王阿剌忒納失里爲豫王弟答兒麻討南陽賊有功以西安王印與之命鎮龍吉兒之地

十四年二月命湖廣行省右丞伯顏普化江南行臺中丞蠻子海牙江浙行省平章政事卜顏帖木兒參知政事阿里溫沙會合湖廣行省平章政事也先帖木兒討沿江賊三月甲戌命親王速哥帖木兒以兵討宿州賊丙子穎州陷四月發陝西軍討河南賊五月甲子安豐正陽賊圍廬州是月立南陽鄧州等處毛胡蘆義兵萬戶府募土人為軍免其差役令討賊自効命荆王荅兒麻失里代闊端阿合鎮河西討西番賊九月陷州西番賊起遣兵擊之十二月丙申命甘肅右丞鬼的討捕西番賊

盧琦傳琦字希韓遷永春縣尹至正十四年安溪寇數萬人來襲永春琦聞召邑民險之曰汝等能戰則與之戰不能則我當獨死之爾衆皆感憤曰使君何言也使君父母我民赤子其忍以父母界賊邪且彼寇方將虜掠我妻子焚毀我室廬乃一邑深仇也今日之事有進無退使君其勿以為憂因踴躍爭奮琦率以攻賊大敗之明日賊復傾巢而至又破之大小三十餘戰斬獲一千二百餘人而邑民無死傷者賊大歸遂遁去時兵革四起刻郡皆洶洶不寧獨永春晏然無異承平時十六年改調寧德縣尹而去

順帝本紀至正十五年八月命親王寬徹班守興元未昌宣慰使完者帖木兒討西番賊十一月庚戌賊陷饒州路是月答失八都魯攻夾河賊大破之賊陷懷慶命河南行省右丞不花討之

十六年二月丙辰以鎮南王孛羅不花自兵興以來率怯薛丹討賊累立戰功賜鈔一萬錠五月乙巳賊寇辰州守將和尚以鄉兵擊敗之八月己未賊侵河

南府路參知政事洪士驥以兵敗之九月庚辰汝穎賊李武崔德等破潼關參知政事述律杰戰死戊戌賊陷陝州及虢州是月察罕帖木兒復陝州及虢州復襲敗賊兵於平陸安邑

輟耕錄王與敬字可權淮西安豐人由浙省典吏充宣使後於董搏霄部下立功擢松江府判未任轉省都鎮撫歷元帥至正丙申二月朔偽誠王張士誠紅軍破平江時與敬兵敗徑趨嘉興又與苗軍參政楊完者不協乃投松江名曰守禦實欲戀倡婦董賽兒故也達魯花赤八都帖木兒知府崔思誠皆無制變之術激成其禍蓋其至也不郊迎之已自不悅越二日浙省又命元帥帖古列思等提兵而來鎮守城池二帥抗衡不相上下帖點兩倉脚夫散口糧給器械發號施令蓋意在逐與敬行十八日帖宴軍民官無一人至者至夜與敬下萬戶戴列孫等率引軍卒自西門放火鼓譟而叛官僚潰散寺觀民房悉化焦土檢刮金銀財物塞滿舟船自與敬以下人口輻重皆出西門二十四日完者下元帥蕭亮員成等率苗軍突至兵不與敵遂北出通波塘而去投降降士誠子女玉帛悉為苗軍所有民亦持挺相逐列孫孔鎮撫等死者過半苗軍恣肆檢刮殺人耳鼻城中女婦多為淫汙房舍間有存者皆為焚燬靡有孑遺居民兩遭鋒鏑死者填街塞巷木為不流四月初十日士誠下元帥史文炳一部兵馬自湖洲入古浦塘船艦相銜旗幟蔽日苗軍一矢不交竟潰散而去南村野史曰天下本無事庸人自擾之卓哉斯言也初王與敬之戾止荷得一守土官能以智慮處之則不致若是况

松江尚侈靡習淫風者久矣余嘗扼腕而歎必有後日之患終為一賤娼禍及數萬家非小變也與敬負逆賊之名遺臭萬年戴氏逞匹夫之勇卒喪其生皆自取之也悲夫

元史順帝本紀至正十七年二月壬子賊犯七盤藍田命察罕帖木兒以軍會答兒麻亦兒守陝州潼關哈刺不花由潼關抵陝西會豫王阿剌忒納失里及定住等同進討戊辰知樞密院事脫脫復邵州調客省使撒兒答溫等攻黃河南岸賊大破之是月李武崔德陷商州察罕帖木兒與李思齊以兵自陝號援陝西以察罕帖木兒為陝西行省左丞李思齊為四川行省左丞詔以高寶為四川行省參知政事將兵取中興不克賊遂破輓轡關三月乙亥義兵萬戶賽甫丁阿迷里丁叛據泉州四月辛酉以咬咬為甘肅行省左丞相答失八都魯加太尉四川行省左丞相漢中道廉訪司糾陝西行省左丞蕭家奴遇賊逃竄失陷所守郡邑詔正其罪六月劉福通犯汴梁其軍分三道關先生破頭潘馮長身沙劉二王士誠寇晉冀白不信大刀救李喜喜趨關中毛貴據山東其勢大振九月命紐的該加太尉總諸軍守禦東昌時田豐據濟濮率衆來寇擊走之閏九月乙丑路州陷丙寅賊攻冀寧察罕帖木兒以兵擊走之冬十月戊戌曹州賊入太行山是月白不信大刀救李喜喜陷興元遂入鳳翔察罕帖木兒李思齊屢擊破之其黨走入蜀答失八都魯與知樞密院事答里麻失里以軍討曹州賊官軍敗潰答里麻失里死之十一月壬寅賊侵壺關察罕帖木兒大破之十二月趙君用及彭

大之子早住同據淮安趙僭稱永義王彭僭稱魯淮王義兵千戶余寶殺其知樞密院事實童以叛降於毛貴余寶遂據棣州

輟耕錄胡仲彬乃杭州勾欄中演說野史者其妹亦能之時登省官之門因得貴緣注授巡檢至正十七年七月內招募游食無藉之徒文其背曰赤心護國誓殺紅巾八字作號將遂作亂為乃叔首告搜其書名簿得三冊纔以一冊到官餘火之亦誅三百六十餘人

元史順帝本紀至正十八年二月壬午田豐復陷濟寧路甲申輝州陷丙戌紐的該聞田豐逼近東昌棄城走戊子田豐陷東昌路庚寅王士誠自益都犯懷慶路周全擊敗之丁酉與元路陷三月癸卯王士誠陷晉寧路總管杜養因不花死之甲辰察罕帖木兒遣賽因赤等復晉寧路丁巳田豐陷益都路辛酉大同諸縣陷察罕帖木兒遣關保等往擊之是時賊分二道犯晉冀一出沁州一侵絳州四月壬午田豐陷廣平路大掠退保東昌是月車駕時巡上都察罕帖木兒李思齊會宣慰張良弼郎中郭擇善宣慰同知拜帖木兒平章政事定住總帥汪長生奴各以所部兵討李思齊於鞏昌李思齊敗入蜀五月庚子賊兵踰太行察罕帖木兒部將關保擊敗之乙巳關保與賊戰於高平大敗之六月庚辰關先生破頭潘等陷遼州虎林赤以兵擊走之關先生等遂陷冀寧路秋七月丁酉朔周全據懷慶路以叛附於劉福通癸丑有賊兵犯京城刑部郎中不花守西門夜開門擊退之己未劉福通遣周全引兵攻洛陽守將登城以大

義責全全愧謝退兵劉福通殺之九月丁酉關先生攻保定路不克遂陷完州掠大同與塞外諸郡丙午賊兵攻大同路壬戌平定州陷十一月丁未田豐陷順德路十二月癸酉關先生破頭潘等陷上都焚宮闕

十九年二月辛巳樞密副使朵兒只以賊犯順寧命張立將精銳由紫荆關出討命鴉鵲由北口出迎敵甲申賊由飛狐靈丘犯蔚州夏四月癸亥賊陷金復等州司徒知樞密院事佛家奴調兵平之己丑賊陷寧夏路遂略靈武等處

二十年春正月癸卯大寧路陷三月戊子朔田豐陷保定路乙巳冀寧路陷夏四月庚申命大司農司都事樂元臣招諭田豐至其軍為豐所害秋七月辛酉命遼陽行省參知政事張居敬討義州賊李羅帖木兒敗賊王士誠於臺州九月壬戌賊陷孟州又陷趙州攻真定路癸未賊復犯上都右丞相哥帖木兒引兵擊之敗績十一月癸酉賊犯易州

二十一年正月乙丑河南賊犯杞縣察罕帖木兒討平之丁卯李思齊進兵平伏羌縣等處三月癸酉察罕帖木兒調兵討未城縣又駐兵宿州擒賊將梁綿住五月李思齊受李武崔德等降八月察罕帖木兒遣其子擴廓帖木兒閻思孝等會關保虎林赤等將兵由東河造浮橋以濟賊以二萬餘衆奪之關保虎林赤且戰且渡拔長清討東平東平僞丞相田豐遣崔世英等出戰大破之乃遣使招諭田豐豐降東平平令豐為前鋒從大軍東討棣州俞寶降東平王士誠東昌楊誠等皆降魯地悉定進兵濟南劉珪降遂

圍益都九月壬戌四川賊兵陷東川郡縣李思齊調兵擊之

二十二年二月丁丑朔盜殺陝西行省右丞塔不歹四月乙未賊新橋張陷安州李羅帖木兒來請援兵六月戊子田豐及王士誠刺殺察罕帖木兒遂走入益都城衆乃推擴廓帖木兒為總兵官復圍益都已亥益都賊兵出戰擴廓帖木兒生擒六百餘人斬首八百餘級九月癸卯朔劉福通以兵援田豐至火星埠擴廓帖木兒遣關保邀擊大破之十一月乙巳擴廓帖木兒復益都田豐等伏誅自擴廓帖木兒既襲父職身率將士誓必復讎人心亦思自奮圍城益急賊悉力拒守乃以壯士穴地道而入遂克之盡誅其黨取田豐王士誠之心以祭察罕帖木兒庚戌擴廓帖木兒遣關保復舊州山東悉平癸亥四川賊兵陷青州

二十三年春關先生餘黨復自高麗還寇上都李羅帖木兒擊降之

二十六年九月甲申李思齊兵下鹽井獲川賊余繼隆誅之

霏雪錄元末有人襖被行山逕間遇惡少意所負必楮鐵也擊殺之視襖中特楮金耳大悔之乃書楮金日的的孰令爾紙被似鈔角問我何處住五色雲中住問我是何姓杓子少個柄爾也錯我也錯不如歸去的的想官不知主名名商謎者問之曰五色雲綵煙也綵煙新昌山名杓子少柄孟也蓋于姓也密令隸人往蹤跡之久而不得隸人亦了事者一日坐鐵肆櫛髮見一人對門置餅鼓其槌作的的之語

乃遂言曰某山中却負紙被者官察知賊處即來捕
捉耳其人有懼色次日閉門不賣餅矣竟捕之果服

欽定古今圖書集成經濟彙編刑典

第一百二十五卷目錄

盜賊部紀事七



祥刑典第一百二十五卷

盜賊部紀事七

孽起雜事徐壽輝以閭巷之庸纔一月而即稱帝僭號十年然長於謀敵而短於制勝故攻城略地皆委於倪文俊等及有功者多忌之是以卒罹其難芝麻李之遁也髡髮爲頭陀僧及天下既定游徐之永固河河上有雷連亭李徘徊久之乃題一筆云憶昔曾爲海上豪臙脂馬上赤連刀此地斬分陳總管彼時斫斷莫軍曹固知今日由天定方信當年漫自勞英雄每每無常在戰袍著盡又方袍三歎投筆而出乃有一翁方且以舟簾岸見李發歎問其故李泣下謂曰我即蕭縣李二也起兵時自謂天下可得今乃匿蹤縮流暫免鋒鏑而功名不就鄉舊何存是以不能不悲耳此翁亦淚流不止自陳其由所謂湘鄉賊鄧文元也避難詭姓名作渡於此二人沽村酒酌之話昔日之疆梁傷今日之狼狽聞者爲之感歎方谷珍起兵時嘗造天台山隱士周必達問計必達曰當今四方雖亂君舉義爲天子除盜斯名正言順

富貴可致耳餘非我所知也谷珍不別而去必達意珍復來乃題句扉上云海角愚夫不自斟妄起關中逐鹿心命運由來非力致項羽英雄亦就擒遂攜妻子入山谷中明日珍果來恨不先殺之焚其廬而去後谷珍事不成爲兵所困方悔曰不意黃毛野人能料事至此嗚呼晚矣乃投水死

明外史方克勤傳元末海寇起行省命吳江同知金剛奴募民爲水軍克勤上謁曰民窮爲盜即未爲盜者亦蠢蠢欲動奈何授之以兵是謂增盜非禦盜也金剛奴怒不答既而水軍果中道叛殺領護者散而從盜金剛奴論垣走折一足始悔不用克勤言

陳灌傳灌除寧國知府有盜麥舟坐死者四十八人灌曰此愚民因舟飄抵岸乃取之非行劫也坐爲首者一人餘悉減死

高斗南傳周榮字國華擢靈璧知縣既知河南有民婦失物不知盜名訴於榮榮密語之曰汝歸但罵府官不捕盜旁有嗔怒者即以聞婦如其言果有嗔者一訊即伏郡中稱神

春明夢餘錄邏者獲強盜數人命送太孫審太孫一見即疑首盜非真訊之果係主人之子偶出莊上而佃客皆盜也是夜正謀劫商舟遂強之同行歸欲首明而先被獲帝復審盡得其情釋之問太孫曰爾何以知其非盜對曰周禮聽獄色聽爲先尚書亦稱惟貌有稽攷見其人雙眸炯炯視聽端詳定非盜也帝因嘆曰決疑者不可不讀書

明外史謝子襄傳子襄擢處州知府有盜竊官鈔子襄投檄城隍神盜方閱鈔密室忽疾風捲墮市中盜

即伏罪又寇據山谷爲亂朝廷發官軍二千討之一郡洵洵子襄力止軍城中母出而自以計掩捕之果獲其魁餘解散

錢本中傳本中武進人讀書通法律歷知故城元城兩縣有治聲改知吉水政務清簡不任刑有盜聚山谷時出寇掠郡守議加兵本中單騎詣賊壘曉以禍福咸相率縛賊首自歸

庚巳編嘉興金晟末樂中爲刑部主事時湖廣有強盜若干人械至部展鞠之其渠首年一百二十五歲面如童子晟不信移文驗之果然問其所以致壽曰少居荆山中嘗遇一人以草炙其臍云令爾多壽遂活至此耳朝廷以其老命杖殺之餘皆伏誅

明外史周原傳原字彥廣繁昌人爲蒲臺知縣有商被盜疑其主人已誣服原覺有冤緩其獄而察之果得真盜人服其明

明史紀事本末成祖永樂十八年三月山東蒲臺縣妖婦唐賽兒作亂賽兒縣民林三妻少好佛誦經自稱佛母詭言能知前後成敗事又云能剪紙爲人馬相戰圖往來益都諸城安州莒州即墨壽光諸州縣煽誘愚民於是奸人董彥昇等各率衆從之擁衆五百餘人據益都卸石棚寨爲出沒青州衛指揮高鳳領兵捕之賊夜乘間擊官兵潰散鳳等皆陷都布按三司以聞遣人馳驛招撫之直隸沂州衛亦奏莒州賊董彥昇等聚衆二千餘人以紅白旗爲號大行劫殺莒州千戶孫恭等往招撫不服殺其從者勢甚猖獗上敕安遠侯柳升分兵勦之柳升兵至益都圍賊於卸石棚寨賊遣人乞降詐云寨中食盡且無水升

以東門舊有汲道即往據之夜二鼓賊襲官軍營都指揮劉忠力戰死黎明柳升始覺分兵追捕獲賊黨劉俊等男婦百餘人而賽兒等竟遁時賊黨黃鴻等攻安丘知縣張璵縣丞馬鴻集民夫八百餘人以死拒賊賊不能攻復帥莒州即墨之衆合萬餘人併力攻之聲言屠城於是都指揮衛青備倭海上聞安丘圍急率千騎晝夜兼行奮擊敗之賊收餘衆再戰城中人亦鼓譟出擊黃鴻遁去殺賊二千餘人生擒四十餘人皆斬之時城中已不支使青至稍遲即陷賊矣既而柳升至青迎謁升怒其專制掙出之青不爲屈是日鰲山衛指揮王貴亦以兵一百五十人擊敗賊衆於諸城盡殺之山東悉平行在刑部尚書吳中等劾奏柳升奉命征勦不卽就道敕諭以賊惡高無水且乏資糧當坐困之勿圖近功升賊臨境不設備至賊夜所營殺傷軍士時都指揮劉忠與升夾攻忠身先軍士殲破賊壘升忌其成功更不救援致忠力盡而斃賊遂得乘間遁去升遣指揮馬貴等追之所過騷擾升亦不問及備倭都指揮衛青聞賊圍安丘急躬率所部兵晝夜兼行遂敗賊衆後三日升始至反忌青功故行摧擊人臣不忠莫此爲甚請治其罪上曰朕每命將遣師必丁寧告戒俾圖萬全今升方命失機媚功忌能罪不可宥遂下升於獄上以唐賽兒久不獲處削髮爲尼或混處女道士中遂命法司凡北京山東境內尼及道姑逮至京詰之七月以投民爲山東左叅政是時大索唐賽兒甚急盡逮山東北京尼既又盡逮天下出家婦女先後幾萬人投民撫定綏輯曲爲解釋人情始安初唐賽兒夫死賽兒

祭墓回經山麓見石碑露石匣角發之得妖書寶劍遂通曉諸術劍亦神物惟賽兒能用之因削髮爲尼以其教施里閭間悉驗細民翕然從之欲衣食財物隨所須以術運致初亦無大志乃妖徒轉盛至數萬官捕之急賽兒遂反殺傷軍兵甚衆三司皆以不蚤發繫獄既而捕得之將伏法怡然不懼裸而縛之臨刑刃不能入不得已復下獄三木被體鐵鉏繫足俄皆自解脫竟遁去不知所終三司郡縣將校等官皆以失寇伏誅

明外史萬觀傳觀字經訓南昌人弱冠成未樂十九年進士帝少之令歸肄學尋召爲御史改嚴州知府府東境七里瀧漢嚴子陵釣臺址也有漁舟數百艇時剽行旅觀編十舟爲一甲令畫地巡警不匝月盜屏跡

翟溥福傳溥福字本德擢南康知府先是歲歉民有擅發富室倉粟及收取漂流官木者前守悉坐以盜當死者百餘人溥福聞實悉仗而遣之

明史紀事本末英宗正統七年十二月麗水盜陳善恭慶元盜葉宗畱合衆盜福建寶峰場銀冶命浙江福建有司捕治之

十二年春二月葉宗畱聚衆盜掘少陽坑數月計所獲微甚棄去九月率衆之雲山遍掘諸坑場無所得還慶元居數日往政和掘少亭坑亦不給用謂其徒曰以吾之衆即索金於市易耳何至自疲山谷間常苦不給也衆從之時已數百人遂掠政和縣及村落還慶元號召得千餘人遣召龍泉良葛山人葉七爲教師訓練武藝由浦城却建陽所過焚掠從者益衆

遂掠建寧官民皆逃匿分衆截車盤嶺鉛山惴恐行旅斷絕

十三年夏四月福建沙縣鄧茂七反自稱閩王命都督劉聚爲總兵陳榮爲副總兵陳詔劉德新爲左右叅將僉都御史張楷監軍討之茂七江西建昌人初名邵雲豪俠爲衆所推殺人亡命入閩至寧化縣依豪民陳正景易名茂七聚衆集會常數百人遠近商販至皆依之漸恣橫願指殺人先是御史柳華按閩檄各郡縣令村落各置隘門望樓編鄉民爲什伍茂七與弟茂八皆編爲長嘗個人田例輸粟主家餽少物茂七令毋餽而田主自往受粟田主訟之不受縛乃下巡檢追攝之因殺弓兵數人聞於上官調官軍三百人與之格鬪殺傷略盡懼討遂刑白馬歐血誓衆舉兵反游兵皆舉金鼓器械應之烏合至萬餘人自稱閩王與正景率黨劫上杭還攻汀州爲推官王得仁所敗三戰正景被擒送京師斬之獨茂七黨盛不可制至是率其黨據杉關劫商旅遂攻光澤縣大掠順流下邵武官民悉逃匿至順昌據之賊去邵武官民始復入城順昌官民亦入保邵武時福建叅政宋彰交趾人與中官多故舊侵漁萬計賄王振得爲左布政使抵任將責償焉小民苦爲所迫於是尤溪爐主蔣福成號集居民貧人無賴者悉歸之旬日有衆萬餘遂襲尤溪據之與茂七聲相聞將劫沙縣及延平延平上其事御史丁宣偕藩臬諸使至延平遣同知鄧洪等率兵二千往沙縣勦之福成遂與茂七合官軍殲焉丁宣乃遣使招諭令解散得免死茂七笑曰吾豈畏死求免者吾取延平據建寧塞二關傳

檄南下八閩誰敢窺焉殺齋書使者據貢川及玉臺館絳置里圖甲役遂據沙縣勢益猖獗御史張海始至延平遣都指揮張某率兵四千往勦之行二十里至雙溪口道隘賊僅二十餘人伏左右村店中俟兵過且盡都指揮後殿至賊伏猝起舉排柵塞道前驅不可返從兵不數十人賊遂搏都指揮并其從兵皆磔之前驅兵覺還禦之無及賊登山擁衆喊聲官軍大潰茂七進攻延平張海登城諭之有緋衣賊曰我曹苦富民魚肉有司不我直耳如朝廷有我且立散乞免徭三年都指揮范真等戰於城外衆潰真與指揮彭璽等俱死御史上其事請兵討賊上乃召都御史張楷至面諭以閩賊猖獗狀令偕都督劉聚陳榮等往討之九月張楷等師至南畿分遣劉得新率兵由江西道建昌會邵武楷率兵由浙入閩十一月指揮戴禮擊葉宗畱斬之禮與都督陳榮亦戰死初張楷奉命討邵茂七至廣信以葉宗畱道梗畱不敢進福建遣使促楷師浙江藩臬諸司請楷便宜移兵擊宗畱江西御史韓雍亦言宗畱近在咫尺門庭之寇皆國家事豈可畫疆而計耶楷不知所從指揮戴禮願往勦之楷乃命率兵五百往都督陳榮謂楷曰受朝命討賊今延平事急而鉛山不通大軍密邇二寇逗遛不進乃遣一步將往朝廷知之何所逃罪耶楷然之遣榮以二千人率禮等往禮先驅與賊遇於黃柏鋪麾兵擊之死傷相半宗畱衣袂率衆前中流矢死官兵不知爲宗畱也賊退奔入山復擁葉希八爲渠魁劫車盤嶺悉衆駐十三都欲回浦城會陳榮兵亦至併戴禮軍搜山至玉山十二都中伏榮禮皆死

葉希八焚浦城還龍泉衆數萬人屯雲和麗水陶得二陳盤桓俱率衆從之楷聞報方益兵進而劉得新已率江西兵敗茂七於建陽道始通楷遂聞道入閩會劉得新等取道走建寧十二月守備處州監察御史朱瑛計擒賊黨周明松等戶於市時葉宗畱黨周明松等四出剽掠金華武義崇安鉛山諸縣朝廷慮其與閩寇合命瑛及中官分守要地瑛榜諭脅從示以禍福降者甚衆以計生致明松等數人械於慶元謀報賊首黑面大王領衆三萬來劫明松等中官大懼欲走瑛不爲動立誅明松等戶於市賊聞之遠巡遁去邵茂七遣別將陳敬德吳都總等由德化末春安溪寇泉州知府熊尚初逆戰於五陵坡兵敗被執不屈死之以建寧知府張瑛爲福建右叅政邵茂七以二千餘人攻建寧瑛率建安典史鄭烈鄉兵吳保等合都指揮徐信分道乘霧襲斬五百餘拔其寨故有是命

十四年春正月上以閩師久無成功命寧陽侯陳懋爲征南將軍保定伯梁瑤平江伯陳豫爲左右副總兵都督范雄董興爲左右叅將尚書金濂總督軍務太監曹吉祥王瑾監軍御史張海丁宣紀功率京營及江西浙江諸處大軍討之未至茂七等攻延平久餘賊至太平驛副使邵宏譽等率兵與賊戰射死百餘人軍士亡者倍之以捷聞初賊於近城五里許斷橋爲守道阻不通劉得新既敗賊張楷乃遣使諭之降其黨黃葵等三十餘人令復業禁諸民不許復私讎建陽路既通沙縣賊首張縣孫至延平降又引從賊羅汝先等詣楷願殺賊贖罪且云賊敗後皆據險

自衛必欲取之吾爲公說令攻城公悉大軍擊之吾爲內應可覆也許之賊首劉宗羅海郎七等俱茂七僞將掠財聚陳山寨黃葵等計擒之詣軍門械送京師楷遂益兵趨延平遇賊攻城擊殺千餘人賊衆稍却茂七等復移兵寇建寧叅政張瑛與賊戰死之於是楷等還建寧賊遂退保陳山二月賊復下山攻延平蓋張縣孫羅汝先誘之出也楷以浙江軍伏後坪南京軍伏後洋江西軍伏沙溪之南而以福建軍素爲賊所易者出城挑之賊乘浮橋竟進伏起礮作合擊大破之官軍乘勝進殺擒數十人茂七中流矢死乃斬其首函之馳露布以捷聞而寧陽侯陳懋等大兵亦繼至楷等至順昌諸處慰撫居民餘賊復擁茂七兄子鄧伯孫聚後洋或散走各分據山峯平江伯陳豫等分道捕之賊據九龍山楷遣兵二千出山後戒之曰明日賊必空寨攻我若疾入其寨據之比旦賊視營兵少果至溪上無筏而還山後兵已據其寨驚潰三月指揮王鈺捕賊於高陽里獲女賊廖氏僞號女將軍廖氏甌寧人被掠至鄧伯孫所妖淫善幻尤驍捷兵敗歸母家獲之諸將各先後捕獲賊首數多俱檻送邵武大軍至邵武皆斬之璽書至褒諭諸將以降賊黃葵爲主簿羅汝先爲縣丞賞其誘賊功也餘候班師論功令陳懋等畱閩賊未盡者張楷還師討處州賊懋等乃立賞格能自擒殺來降者與斬敵同賊將張畱孫者驍勇善戰茂七起事多倚之茂七死仍從鄧伯孫子戶龔遂榮僞貽畱孫書若素有約者伴使謀誤致之伯孫伯孫果疑畱孫殺之由是賊黨人人自疑棄伯孫來降遂進兵沙縣破貢